

原刊景印

民國佛教期刊文獻集成

任繼愈題



民國佛教期刊文獻集成

任繼愈題

第 139 卷



大雲
仁智林叢刊
佛教月報
現代僧伽

中國書店

第十八號

第八十四期

大

雲

敬送書籍

本社承 印光老法師寄惠

觀音感應頌新增文鈔壽康寶鑑等多冊並承章鎮金松濤居士亦有寄惠新增文鈔安士全書壽康寶鑑等均囑廣結法緣凡遠近同志欲得是項法寶者請寄函告明地址附寄費向本社出版部「紹興泥牆弄十一號」索取當即郵奉倘有佛化團體如欲多請每種以十冊爲限

寄費列左

外埠

本埠

觀音感應頌

五分

二分半

印公文鈔

七分半

四分

壽康寶鑑

一分

半分

又本社印行選刊一種如欲索閱每冊郵費二分半

本社特別啓事

本社前以時局潮流關係欲於月刊以外另出副刊多開方便以廣啓信而護護嫌且稍價本社普贈之願詎自南北風雲告警以後交際遲滯遠近輸助銳減前此稍有餘積僅維持月刊現狀以資周轉而同人又以才細俗冗不能多所述作姑念時局已定正教漸有昌明之望儘可獨標正義昭示來者副刊暫從緩出以免竭蹶特此聲告

請試用靈藥

上海大慈善家施德之先生創製之神功濟衆水萬應萬靈無病不療於急救疫癘尤具神效發明以來傳播中外歷有年所誠能生死肉骨有口皆碑本社同人迭經分送試驗故特介紹

大雲月刊第十八號目錄

＊ 論 說 ＊

釋仁

論教育當明體用

(侯)

(選)

懶雲樓騰草

紹興小雲棲詩僧正香遺著

＊ 事 紀 ＊

焦心理女士生西事略

(顯)

＊ 著 述 ＊

報恩論選錄

桐鄉沈善登遺著

金剛經靈驗記六則

(悟因)

記蘭谿縣之奇僧

周逸君

＊ 文 苑 ＊

講請觀音經及普門品緣起疏

印光法師

贖遷西湖放生魚募緣疏

印光法師

西湖放生募緣啓

許止淨

淨土三要述義序

徐文蔚

諦公老人法語

印光法師致李苦實居士書

＊ 通 訊 ＊

(瞿鶴)

(神獅)

大雲佛學社月刊

第十八號

第八十四期

二

華智法師致本社王蓮航書

中華佛教粵魯賑災協會致本社王蓮航書

江浙放生會致本社略季和王蓮航書

四川佛教會致本社書

佛教通訊社致本社書

＊ 宏 護 ＊

佛教通訊社通告

佛教通訊社護教啓事

佛教通訊社法界學院上駕總司令書

又呈中央政府文

杭州消息

浙江佛教聯合會請求保護寺廟財產之呈文

信陽當道無理摧殘佛法僧之駭聞

楊嘉紳致馮玉祥函

上海佛教維持會之兩電

＊ 附 錄 ＊

西湖徙魚訊

學生肅清性書籍之大運動

陝西之廢娼

德議長痛陳奢侈之害

慘不忍聞之魯省災情

(雙園)



釋仁

(侯)

今試上下古今溯二千餘年生民未有之聖人。凡我血氣者。莫不折衷於孔子一人也。夫孔子道大學博。幾予人以有不可攀躋之概。雖然。竊謂綜孔子生平之學問。即一仁字可以包括之。蓋仁字從人從二。一仁字中含有人。我二字之義。試思天地間有我。即有人。我之外者。皆人也。我獨者。人衆者。以百千萬億之人。對於卓然獨立之我。我與人固居於對待之地位焉。不佞嘗於一俯仰間而有無窮之感者。竊以我之爲我。與人之爲人。兩兩比擬。兩兩權衡。覺我之於人。與人之於我。其觀念既不能強異而爲同。更不能變爲有。惟執所異者。遂無同之非異。惟無所有者。乃無有之非無。不佞於是懸據一學說。本我之過去者。而希望其未來。分層累之階級。爲商榷其進

行。我願研究聖道之真理者。一指迷途。庶幾仁字之真諦明。於是聖人之爲聖人。雖曰天縱。而我亦未嘗不可階而升也。因是就人我之間。判分爲四大時期。第一期曰有我無人。第二期曰有人有我。第三期曰無我有人。第四期曰無人無我。試爲之分述其意義。而詳解之。

(一)有我無人。人生墮地。呱呱而泣。咿唔而笑。言語知識。逐漸長大。略有自主能力。時約以十五年。此時期中。爲知有我而不知有人之時也。蓋飲食衣服居處。知有飢思食。寒思衣。起居不適而思有以安吾身而已。其聰穎者。受父母之撫育。師長之提撕。讀書求學。雖無一定之宗旨。然少年氣盛。往往自信之力甚堅。不獨睥睨儕輩。抑且蔑視古昔。此有我無人之第一階級也。

(二)有人有我。人自勝衣就傅。智識日進。居恒遍視同儕。若者優勝。若者不及。讀書稽古。先民有則。示我以範圍。若者爲聖賢。若者爲豪傑。古今人相去之程度。若何。彼亦人也。我亦人也。今之人言行學識。固有可以效法者。古之人學問事功。亦何嘗

不可幾及也。此有人有我之第二階級也。

(三)無我有人。人自中年以還。學與時進。時與道違。人世艱難。天人窮究。毫釐千里。往往差謬。昔以爲是。今以爲非。今以爲是者。安知後日不以爲非。返躬自問。凡人之長於我者。其學識經驗。皆高出於我者固多。少於我者。後生可畏。其將來之學識經驗。尤當勝我倍蓰也。至於興懷前哲聖賢豪傑之不可幾及。縱窮年矻矻。皓首孳孳。恐欲深造其境。而良非易易。此無我有人之第三階級也。

(四)無我無人。人至四五十而後。學識與年華俱進。我之與人。似有隨地可以相容之道。人之與我。亦時有無不可通之境。人情世故。歷練既深。道德事業。進行可恃。不分人我。而是非之見甚明。默識心通。隨時覺悟。大道即在目前。既無所爲。有亦無所爲。非天人交會。神而明之者。古今人非不相併。我與人更不多不謀而合之端。此無我無人之第四階級也。

綜以上四說。而分詮孔子之仁字。則十五志學以前。有我無人之時也。三十而立之

際。有人有我之時也。不惑知命之年。無我有人之時也。六十耳順。七十從心所欲。不踰矩。真無我無人之時矣。

吾人爲學求道。苟能循序而進。由有我無人而至有人有我。由有人有我而至於無我。有人已駸駸乎其難矣。過此以往。而欲天人交會。神明相通。非我至聖。其誰與歸。雖然。人固不易成聖。亦何嘗不希望人人之皆聖。以聖爲易。聖固不容。以聖爲不易。聖或可不難。返本尋源。不問人之能聖不能聖。祇求其在我者如何耳。我欲聖則聖至。聖豈異人任哉。試即仁字之義而詳繹之。仁乎哉。聖也。聖乎哉。則仁已矣。

論教育當明體用

(選)

教育爲文明之母。立國之基。人人知之詳矣。然能明乎體用之道者。有幾人哉。夫教亦多術矣。善教育者。取人之長。補己之短。溶人之理。會己之意。其採擇也。小心翼翼。如分春苗。如淘金沙。其爲教也。徇徇善誘。維恐不明。維恐不至。觀者只以爲難。而不知教育之爲務。不如是。不足以達人之靈。盡物之性。以資應用。而裕羣生也。不如是。

更不足以明人之德。新民之迷。期合于體。而立國性也。是故慎之於始。尤慎於終。不然。弊病孳生。爲害甚於洪水猛獸。而莫之能禦也。不見夫我國近代之教育乎。自晚清以還。國運衰替。朝野人士。醉靡歐風。衆口同音。僉曰變法。新學種籽。播滿神州。迨至鼎革。相習愈遠。邪說蠡起。異端叢生。以至煮豆燃箕。操戈同室。貪利忘義。上下交爭。倫常棄如敝屣。綱紀視若芻狗。人心日僞。風俗愈乖。遂使大好文明之古國。竟變成盜匪之窟穴。其去禽獸不遠矣哉。說者謂文明之進化。破壞爲先。迴旋過渡。理無足怪。夫豈知教育不慎。有以致之也。考諸泰東西各國。文化進步。日新月異。而精神重在道德。物質發展。愈巧愈精。而國性不更。此無他。教育得乎體用之法也。夫教育之得體。如人之有神經也。教育得用。猶人之有骨骼也。人未有喪神經而行正者。教育亦有未有失體而至善者。何也。實以教育僅得其用。而不得其體。則人之方寸。無以守。一遇外欲之攻擊。勢如破竹。必爲所侵。積久一發。能無害乎。反是能以體爲教育之本。則天之所賦于人之明德。雖偶爲物欲所蔽。氣稟所拘。亦能化之而仍復其

初。及其久也。意誠心正。識見有主。造次必於是。顛沛必於是。邪說左道。其奈之何。雖然。人性猶水之就下也。躍之可使過顙。激之可使過山。作教如染絲也。染之蒼則蒼。染之黃則黃。苟不慎始。能無過乎。然則當今之際。欲匡時救國。移風易俗。莫如先正教育。欲正教育。宜明體用。明體用。宜以經傳遺訓爲立體之本。科學爲應用之術。體用兼備。庶乎國性存。民生厚。大亂止。

*卜人心

(逸)

一事之舉措。欲卜人之心向背。至易者也。原爲反對之人而反對之。不足異也。原非反對之人而反對之。已大可注意之矣。至若原爲同志。非特非反對之人。且或爲相助之人。而亦反對。則其事之大。反人心可知矣。夫大反人心之事。一時即不見有何大害。而他日失敗之總因。無不由之也。是以好人所惡。智者勿爲。蓋人心之爲物。雖無赫赫之威。而有涓涓之力。雖非昭昭之明。而其皎皎之體。是以強暴無從屈。假借不能欺。一時雖勿見利害。而千波萬折。無不向此以趨。故其結果。所謂成敗者。不過表現人心向背而已也。



選錄報恩論弁言

余自己未研究佛學。閱三年。而始博覽淨土經論。及先賢著述。蓋向嘗以心好奇書。由宋明理學。老莊諸子。而進窺佛乘。見諸經咸稱讚淨土。心竊疑之。又以法似權漸。而列爲大乘圓頓。故思一窮其究竟。乃卒以各家論著。詞意圓融。猶徬徨於唯心自性等說。而不得十分透徹。後讀徹悟禪師語錄。及彭二林各論著。信願始切。遂發心行持。日課不廢。此固由障深業重。慧心不朗。殆亦逗機之緣。各有所在歟。去年春。往遊靈隱。便過松木場彌陀寺。見上首屏列石刻彌陀經。字蹟工整遒勁。石質黝黯。似已數經摹拓者。適寺中駐紮兵隊。而住持智慧法師復他出。因未及訪察其創建之由來。事過情遷。已漠焉忘之矣。是年冬。偶閱天津佛教居士林林刊。有徐蔚如老居

士歡喜功德歌跋言一首。內稱述作者桐鄉沈穀人太史。曾於光緒三年丁丑春。集淨侶四人。結壇於蘇之聖恩寺。持阿彌陀佛名號。五十三晝夜不絕聲。誦書阿彌陀經一卷。字字頂禮。備極誠敬。書成。摩崖於杭州天竺山下之松木場。建寺以護之。即今俗稱彌陀寺是也。始恍然悟前此所見之石刻彌陀經。至爲珍重。而余竟以匆匆一目置之。未及細加摩娑禮誦。爲可悔也。跋中又謂太史寫經時。曾造報恩論。闡明淨土綱要。掃絕葛藤。別開生面。斬釘絕鐵。直下承當。實爲淨土有數傑構。居士湛深佛學。名滿海內。不妄稱許。此書必有可觀。因思居士與太史世爲通家。必有其書。遂馳書索請。承其不吝法施。寄惠一部。且謂此書係家刻本。當未經刻完時。已爲東瀛擷其精要之篇。選入續藏。今太史之弟子。多宦遊遠方。書板存家。久不刷印。故外間絕少流通。得之不易。渠亦祇此一部。實爲余割愛云。余受而得之。覺直捷痛快。豁破羣疑。無理不圓。無義不顯。能合新舊學說。各教原理。及科哲學一爐而冶之。無一不自三昧海中所流出。令人讀之。眉飛目舞。逗啓趨向淨土之心。有萬牛莫挽之勢。其

宏護之誠。直欲掬一腔熱血。而徧灑大千世界。蓋太史以通儒碩彥。深達易理。博究全藏。既沈酣於經史百家。天算河洛諸典籍。又復旁通泰西聲光化電等學。故發爲文章。取精用宏。旁徵曲引。滔滔不絕。理愈深而辭彌達。在讀書不多者。殆未足以窺其奧衍。若以此書望古人。可與袁中郎彭二林相頡頏。而猶當遜其閎通透闢。余每讀一篇。輒不待作意。一句佛名。衝口而出。其感沁心脾。引人入勝。類如此。自讀此論後。不惟於淨土法理。益加明徹。卽回視以前所讀諸書。皆如數家珍。別開悟境。嗚呼。沈公之迪我多矣。由是感激。思欲設法流通。以供同好。藉以副沈公造論之至意。因與徐居士往復函商。頗承贊許。並悉居士於二十年前。亦曾傾倒此書。由之入道。以居士之累代學佛。淵源有自。猶賴此信入。矧閤鈍如余者乎。則此書之可貴。斷可知矣。顧全書卷帙較多。從而翻印。非三四百金不辦。且亦祇可出二三百部。在遠近同志。未經讀過。莫明其妙。或不肯貿然相助。繼欲播之大雲敝刊。又限於篇幅。度非三四年不能出完。慮讀者以不得一氣貫看爲憾。惟有先錄其最精要者。陸續揭載。以

當嚶引。窺豹一斑。不從可知全體之美。更有十倍於此者耶。雖全書翻印流通。姑俟諸異日因緣。而相與有成。是所望於來者。

中華民國戊辰春仲古越季和略印雄甫識於勝蓮華室

報恩論選錄

桐鄉沈善登述

古越季和略印雄選

小霍山摩崖道場寫經始末記

六字單提。周五十三日。成就此山道場。庶證明報恩論。回向文。往生公據。一經常住。餘千八百言。消歸彼佛願海。應契入散心機。他力理。勸信本懷。

此摩崖經厂石柱聯語也。光緒戊寅。寫經本願。略具此五十六字中。迄今二十餘年矣。欲追記其事於墨本後。已斷續如夢痕。不可強爲綴緝。姑舉此以提絜綱要。其間種種機感。種種業力。種種徵應。就所能憶條記之。而其後人事錯迕。有願未

滿。且與相違。可悲可痛者。亦併記之。端緒既紛。固亦難以通彙成文也。所可信者。法運盛衰。關乎世運。崖地禱諸大士。靈祚有徵。轉機在斯。當必有大福德大智慧。大權力其人者。徹見是中相關之故。發真實心。荷擔將去。若遠若近。豈容預期。乃迫欲身親見之。亟望之。遊戲法門。夾雜名利之徒。亦愚癡之甚矣。

咸豐庚申春。避地數浦山中。遇張子簡。聽其念佛聲。和雅有節。悅之。假其書彌陀疏鈔。華嚴念佛三昧論等。轉徙至餘姚梁通鎮。流離困頓。舉家無好懷。又病瘡。遂念佛。其冬以葬事復至灝山度歲。風雪交加。海航斷渡。獨處蔣祠。無僮僕。無隣居。躬採薪汲水。如枯僧者四閱月。跪寫阿彌陀經。上先君子勸修淨土。字字頂禮。多日方成。後寫此經。字大十倍餘。定議結壇訂長期者。以此。蓋自初發心。甚勇猛。讀戒疏發隱。恍見真俗圓融。古佛用處。遂長齋。力持十戒。功過格。坐若忘。行若遺者。二年餘。既而漸懈。丁卯後五年。放逸無常課。至於破戒。家事拂逆。愧悔自懼。復發憤如前。徧讀諸大乘經。諸家語錄。並參禪看萬法歸一話。至甲戌一亥間。始悟佛教大意。以淨土爲總。